

«10» հունիսի 2019թ.

ք.Սիսիան

Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արա Ավետիսյանս, քննելով ԻԻՀ քաղաքացի Մոջտաբա Ղավամիի /անձնագիր՝ J45109942/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ԻԻՀ քաղաքացի Մոջտաբա Ղավամիի անվամբ 23.03.2019 թվականի թիվ 05100041/230319/0000367787 տրանսպորտային միջոցի մաքսային հայտարարագրով «Ժամանակավոր ներմուծում» մաքսային ընթացակարգով 60 օր ժամկետով ՀՀ տարածք է ներմուծվել GEELY-M GRAND մակնիշի, 18E626-10 պետհամարանիշի ավտոմեքենան: Նշված ավտոմեքենան սահմանված ժամկետում 23.05.2019 թվականին, չի արտահանվել ՀՀ-ից, որի արդյունքում խախտվել է հետագա վերաարտահանման պարտավորությունը:

ՀՀ ՊԵԿ Հարավային մաքսատուն-վարչության ավագ մաքսային տեսուչ-իրավաբանի կողմից 24.05.2019 թվականին ԻԻՀ քաղաքացի Մոջտաբա Ղավամիի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 - հազար դրամ:

23.03.2019 թվականի թիվ 0000367787 մաքսային մուտքի օրդերի համաձայն GEELY-M GRAND մակնիշի 2014 թվականի արտադրության ավտոմեքենայի մաքսային արժեքը կազմում է 2429300 ՀՀ դրամ:

Վարչական վարույթի շրջանակներում 24.05.2019 թվականին թիվ Ն/23.1/52232-2019 գրությամբ հարցում է արվել Ներքին անվտանգության վարչությանը՝ ԻԻՀ քաղաքացի Մոջտաբա Ղավամիի սահմանափակումների պատմությունը ստանալու նպատակով: Ներքին անվտանգության վարչությունից 24.05.2019 թվականի թիվ Ն/2-5/52376-2019 գրությամբ ստացված տեղեկատվության համաձայն ԻԻՀ քաղաքացի Մոջտաբա Ղավամիին GEELY-M GRAND մակնիշի, 18E626-10 պետհամարանիշի ավտոմեքենայով Մեղրիի մաքսային կետով

23.03.2019 թվականին անցել է Հայաստանի Հանրապետություն, սակայն նշված ավտոմեքենան ՀՀ-ից սահմանված ժամկետում չի վերաարտահանվել:

27.05.2019 թվականին թիվ N/23.1/52598-2019 գրությամբ հարցումներ են արվել Արևմտյան մաքսատուն-վարչությանը, N/23.1/52584-2019 գրությամբ Արևելյան մաքսատուն-վարչությանը, N/23.1/52578-2019 գրությամբ Հյուսիսային մաքսատուն-վարչությանը, N/23.1/52569-2019 գրությամբ Արարատյան մաքսատուն-վարչությանը GEELY-M GRAND մակնիշի, 18E626-10 պետհամարանիշի ավտոմեքենայի ձևակերպման և ժամկետի երկարացման մասին:

27.05.2019 թվականին թիվ N/27-1/53249-2019 Հյուսիսային մաքսատուն-վարչությունից ստացվել է պատասխան, որ նշված ավտոմեքենան այնտեղ չի ձևակերպվել:

29.05.2019 թվականին թիվ N/22-4/53926-2019 Արևելյան մաքսատուն-վարչությունից ստացվել է պատասխան, որ նշված ավտոմեքենան այնտեղ չի ձևակերպվել:

31.05.2019 թվականին թիվ N/21-1/54984-2019 Արևմտյան մաքսատուն-վարչությունից ստացվել է պատասխան, որ նշված ավտոմեքենան այնտեղ չի ձևակերպվել:

07.06.2019 թվականին թիվ N/20-2/59587-2019 Արարատյան մաքսատուն-վարչությունից ստացվել է պատասխան, որ նշված ավտոմեքենան այնտեղ չի ձևակերպվել:

Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ ԻԻՀ քաղաքացի Մոջտաբա Ղալամիի անվամբ 23.03.2019 թվականի թիվ 0000367787 մաքսային մուտքի օրդերի «Ժամանակավոր ներմուծում» մաքսային ընթացակարգով ներմուծված GEELY-M GRAND մակնիշի, 18E626-10 պետհամարանիշի ավտոմեքենան սահմանված ժամկետում չի արտահանվել, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 219, 221 հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ԻԻՀ քաղաքացի Մոջտաբա Ղալամիին ենթարկել վարչական պատասխանատվության՝ տուգանելով **412990** ՀՀ դրամի չափով:
2. Որոշման մասին հայտնել ԻԻՀ քաղաքացի Մոջտաբա Ղալամիին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% 289093 դրամ և 900293063013՝ գումարի 30% 423897 դրամ (ՀՀ պետական բյուջե, կենտրոնական գանձապետարան, Հարավային մաքսատուն-վարչություն, ԿՈՂ 30):

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Մ/Ծ ԳՆԴԱՊԵՏ՝  ԱՎԵՏԻՍՅԱՆ